

















宋文歸目錄

卷五

程顥論君道

程顥論十事

程顥論遣張載按獄

程顥論新灋

程顥論王伯之辨

程顥卽康節墓誌銘

程顥祭富鄭公文





程頤上仁宗皇帝書

程頤上太皇太后書

程頤又上太皇太后書

程頤論經筵第一劄子

程頤論經筵第二劄子

程頤論經筵第三劄子

程頤禋飲詩序

程頤養魚記

程頤明道先生墓表



程頤遺金間誌

程頤葬說



宋文歸目錄卷五終



宋文歸卷五

竟陵鍾惺伯敬父評選

古吳楊彝子常父叅訂

程顥論君道

茅坤曰何  
等醇正

臣伏聞君道之大○在乎稽古正學○明善惡之歸○辨忠邪之分○曉朕黷  
道之正○故在乎君志先定○君志定而天下之治成矣○所謂定志者○一  
心○誠○意○擇○善○而○固○執○之○也○夫義理不先盡○則多聽而易惑○志意不先  
定○則善守而或移○惟在以聖人之訓為必當從○先王之治為必可法○  
不為後世駁雜之政所牽制○不為流俗因循之論所遷惑○自知極於



明○信○道○極○於○篤○任○賢○勿○貳○太○邪○勿○疑○必○期○致○世○如○三○代○之○隆○而○後○已○  
也○哉○天○下○之○事○患○常○生○於○忽○微○而○志○亦○戒○乎○漸○習○是○故○古○之○人○君○雖○  
出○入○道○容○無○閒○必○有○誦○訓○箴○諫○之○臣○左○右○前○後○無○非○正○人○所○以○成○其○  
德○業○伏○願○陛○下○禮○命○老○臣○賢○儒○不○必○勞○以○職○事○俾○日○親○便○座○講○論○道○  
德○以○輔○聖○德○又○擇○天○下○賢○杰○使○得○陪○侍○咨○送○朝○夕○延○見○開○陳○善○道○講○  
磨○治○辭○以○廣○聽○聞○如○是○則○聖○賢○益○明○王○猷○允○塞○矣○今○四○海○靡○靡○日○入○  
偷○薄○末○俗○哋○哋○無○復○廉○恥○益○亦○朝○廷○尊○德○樂○道○之○風○未○孚○而○篤○誠○忠○  
厚○之○教○尚○鬱○也○惟○陛○下○稽○聖○人○之○訓○法○先○王○之○治○一○心○誠○意○體○乾○剛○  
健○而○力○行○之○則○天○下○幸○甚○



鍾惺曰、似老生常談、然論君道之大、寔別無新奇之議、以奪之。







程顥論十事

臣竊謂聖人創法○皆本諸人情○極乎物理○雖二帝三王○不無隨時因革○踵事增損之制○朕至乎為治之大原○牧民之要道○則前聖後聖○豈不同條而共貫哉○蓋無古今○無治亂○如生民之理○有窮則聖王之法○可○改○後世能盡其道○則大治○或用其編○則小康○此歷代彰灼著明之效也○苟或徒知泥古○而不能施之於今○姑欲循名○而遂廢其實○此則陋儒之見○何足以論治道哉○朕倘謂今人之情○皆已異於古○先王之迹○不可復於今○趨便目前○不務高遠○則亦恐非大有為之論○而亦未足以濟當今之極弊也○謂如宮室飲食衣服器用之類○苟便於今○而



有法度者。豈亦遽當改革哉。惟其天理之不可易。人所賴以生。非有古今之異。聖人之所以必為者。固可槩舉。狀行之有先後。用之有緩急。若夫裁成運動。周旋曲當。則在朝廷講求設施如何耳。古者自天子達於庶人。必須師友以成就其德業。故舜禹文武之聖。亦皆有所從學。今師傳之職不修。及臣之義未著。所以尊德樂善之風。未成於天下。此非有古今之異者也。王者必奉天建官。故天地四時之職。歷二帝三王。未之或改。所以百度修而萬化理也。至唐猶僅存其略。當其治時。尚得綱紀。小正。今官秩淆亂。職業廢弛。太平之治。所以未至。亦非有今古之異也。天生蒸民。立之君使司牧之。必制其常。庶使之厚。



生則經界不可不正井地不可不均此為治之大本也唐尚能有口  
分授田之制今則蕩然無法富者跨州縣而莫之止貧者深離餓殍  
而莫之恤幸民雖多而衣食不足者蓋無紀極生齒日益繁而不為  
之制則衣食日蹙轉成日多此乃治亂之機也豈可不漸圖其制之  
之道哉此亦非有古今之異者也古者政教始于鄉里其法起於此  
閭族黨川縣鄣遂以相聯屬統治民相安而親睦刑法鮮犯廉恥易  
格此亦人情之所自朕行之則效亦非有古今之異也庠序之教先  
王所以明人倫化成天下今師學廢而道德不一鄉射亡而禮義不  
興貢士不本於鄉里而行寔不修秀士不養於學校而人林多廢此



較狀之事。亦非有古今之異者也。古者府史胥徒。吏祿公上。而兵農  
未始判也。今驕兵耗匱國力。亦已竭殫矣。臣謂禁衛之外。不漸歸之  
於農。則將貽深慮。府史胥徒之役。毒遍天下。不愛其制。則未免大患。  
此亦至明之理。非有古今之異者也。古者民有九年之食。無三年之  
食者。以為國非其國。臣觀天下畊之者少。食之者衆。地力不盡。人功  
不勤。雖富室強宗。鮮有餘積。況其貧弱者乎。或一州一縣。有年歲之  
凶。即盜賊縱橫。飢羸滿路。如不幸有方三二千里之災。或連年之歉。  
則未知朝廷將何道以處之。則其患不可勝言矣。豈可曰昔何以不  
至。是因以幸為可恃也哉。固宜漸從古制。均田務農。公私交為儲粟。



韓元春曰

寫民情入

卷三

之法以為之。倘此亦無古今之異者也。古者四民各有常職。而農者  
十居八九。故衣食易給。而民無所苦。困今京師浮民數逾百萬。游手  
不可貲。度觀其窮。感辛苦。孤貧疾病。變詐巧偽。以自求生。而常不足  
以生日。益歲滋久。將若何事。已窮極。非聖人能變而通之。則無以免  
患。豈可謂無可奈何而已哉。此在酌古變今。均多恤寡。漸為之業。以  
久之耳。此亦非有古今之異者也。聖人奉天理物之道。在乎六府六  
府之任。治於五官。山虞澤衡。各有常禁。故萬物阜豐。而財用不乏。今  
五官不修。六府不治。用之無節。取之不時。豈惟物失其性。林木所資  
天下。皆已童。赭斧斤焚蕩。尚且侵尋不禁。而川澤漁獵之繁。暴殄天



物亦已耗竭則將若之何此乃窮弊之極矣。惟修虞衡之職則有變  
通長久之勢。此亦非有古今之異者也。古者冠婚喪祭衣服器用等  
豈分別莫敢踰僭。故財用易給而民有常心。今禮制未修奢靡相尚  
卿大夫之家莫能中禮而商賈之類或踰王公禮制。不足以檢飾人  
情。名數不足以尊別貴賤。既無定分則奸詐攘奪人人求戢其欲而  
後已。豈有止息哉。此爭亂之道也。則先王之法豈得不講求而損益  
哉。此亦非有古今之異者也。此十者特其端緒耳。臣特論其大端以  
為三代之法有必可施行之驗。如其綱條度數施為注措之道則審  
行之必也。稽之經訓而合施之人情而宜。此曉朕之定理。豈徒若無



用之說哉。惟聖明裁擇。

鍾惺曰。觀公此等經濟之學。可謂前無賈董矣。而世多不及知者。蓋以道學掩之也。







程顥論遣張載按獄

臣伏聞著作郎張載。注明州推勘苗振公事。竊謂載經術德義。久為士人師法。近侍之臣。以其學行論薦。故得召對。蒙陛下親加延問。屢形天獎。中外翕然。知陛下崇尚儒學。優禮賢俊。為善之人。孰不知勸。今朝廷必欲究觀其學業。詳試其器能。則事固有繫教化之本原。干政治之大體者。倘使之講求議論。則足以盡其所至。夫推按詔獄。非謂儒者之不當為。臣今所論者。朝廷待士之道。爾蓋試之以治獄。雖足以見其鈎深練覈之能。攻摘斡擊之用。正可試諸能吏。非所以盡儒者之事業。後使四方之人。謂朝廷以儒術賢業進之。以獄吏之事。



試之則抱道修潔之士益難自進矣。於朝廷尊賢取士之辭將有所失。伏乞朝廷別賜選筦。費全事辭。

鍾惺曰。詞義從容中節。自是儒者氣象。



程顥論新法

臣聞天下之理本諸簡易而行之以順道則事無不成故曰智者若禹之行水行其所無事也舍而之於險阻則不足以言智矣蓋自古興治雖有專任獨決能就事功者未聞輔弼大臣人各有心睽戾不一致國政異出名分不正中外人情交謂不可而能有為者也况於措置失宜沮廢公議一二小臣寔與大計用賤陵賢以邪妨正者乎凡此皆天下之理不宜有成而智者之所不行也設令由此僥倖事小有成而興利之臣日進尚德之風寢衰尤非朝廷之福矧復天時未順地震連年四方人心日益搖動此皆陛下所當仰測天意俯察

孫鑛曰此  
上轉更遠



人事者也。臣奉職不肖。議論無補。望允前奏。早賜降責。  
鍾惺曰。新法之非。人能言之。狀或以義言。或以利言。或以情言。或  
以勢言。此自以道言。可見反章各有本領。



程顥論王霸之辨

臣伏謂得天地之正極人倫之至者堯舜之道也。用其私心依仁義之偏者霸者之事也。王道如砥，本乎人情，出乎禮義，若履大路而行，無所回曲。霸者崎嶇反側於曲徑之中，而卒不可與入堯舜之道。故誠心而王則王矣，假之而霸則霸矣。其道不同，則在擇審其初而已。易所謂幾者，毫釐繆以千里者，其初不可不審也。故治天下者必先立其志，王志先立，則邪說不能移，異端不能惑，故力進於道而莫之禦也。苟以霸者之心而求王道之成，是銜石以為玉也。故仲尼之後，無道桓文之事，而曾西恥以管仲者，義所不繇也。況下於霸者哉。陛



下躬堯舜之資。處堯舜之位。必以堯舜之心。自任。然後為能克其道。漢唐之君。有可稱者。論其人。則非先王之學。考其時。則皆駁雜之政。乃以一曲之見。幸致小康。其創法垂統。非可繼於後世者。皆不足為也。朕行仁政。而不素講其良。使其道大明。而後行。則或出或入。終莫有所至也。夫事有大小。有先後。登其小。忽其大。先其所後。後其所先。皆不可以適治。且志不可慢。時不可失。惟陛下稽先聖之言。警人事之理。知堯舜之道。倘於已反身而誠之。推之以及四海。擇同心一德之臣。與之共成天下之務。書所謂尹躬暨湯。咸有一德。又曰一哉王心。言致一而後可以有為也。古者三公不必備。惟其人。誠以為不得。



鍾惺曰看  
淨義理圖  
活之甚

其人而居之則不若關之之愈也。蓋小人之事君子所不能同。豈聖  
賢之事而庸人可參之哉。欲為聖賢之事而使庸人參之則其命亂  
矣。既任君子之謀而入小人之議則聰明不專而志氣惑矣。今將較  
千古深錮之弊為生民長久之計。非夫聽覽之明盡正邪之辨致一  
而不二能勝之乎。或謂人君舉動不可不謹易於受張則為害大矣。  
臣獨以為不昧所謂受張者顧理所當耳。其動若稽古質義而行則  
為謹莫大焉。豈若因循苟簡率致敗亂者自古以來何嘗有師聖人  
之言法先王之治將大有為而反成禍亂者乎。願陛下奮天錫之勇  
智辭乾剛而獨斷需臆不疑則萬世幸甚。



葛洪曰。高論宏規。羽翼經傳。不當作文字觀也。



程顥邵康節先生墓誌銘

熙寧丁巳孟秋癸丑。堯夫先生疾終於家。洛之人弔者相屬於途。其尤親且舊者。又聚謀其所以塋先生之子。泣以告曰。昔先人有言。誌於墓者。必以屬吾伯淳。意先生知我者。以是命我。何可辭。僅按邵本姬姓。系出於召公。故世為燕人。大王父令進以軍職。逮事藝祖。始家衡漳。祖新父古。皆隱德不仕。母李氏。其繼楊氏。先生之幼。從父徙共城。晚遷河南。塋其親於伊川。遂為河南人。先生生於祥符辛亥。至是蓋六十七年矣。雍先生之名。而堯夫其字也。娶王氏。伯溫仲良。其二子也。先生之官。初舉遺逸。試將作監主簿。後又以為潁川團練推官。



白康  
得意忠  
二妙德  
出

辭疾不赴。先生始學於百原。勤苦刻厲。冬不爐。夏不扇。夜不就席者。數年。衛人賢之。先生嘆曰。昔人尚及於古。而吾未嘗及四方。處可已乎。於是走吳適楚。過齊魯。客梁父矣。而歸曰。道其在是矣。蓋始有定居之意。先生少時自雄其才。慨慷有大志。既學力慕高遠。謂先王之。事為可必致。及其學益老。德益邵。玩志高明。觀天地之運化。陰陽之。消長。以達乎萬物之變狀。後顏狀其順浩狀其歸。在洛幾三十年。始也蓬華環堵。不蔽風雨。躬糞以養其父母。居之裕如。講學於家。未嘗。強以語人。而就問者日衆。鄉里化之。遠近尊之。士人道之。來之洛者。有不之公府而必之先生之廬。先生之德氣粹狀望之。可知其賢狀。



不事表襮。不設防矜。正而不諒。通而不汙。清明坦夷。洞徹中外。接人無貴賤親疎之間。群居燕飲。笑語終日。不取其異於人。顧吾所樂何如耳。病畏寒暑。常以春秋時行。游城中士大夫家。聽其車音。倒屣迎致。雖兒童奴隸。皆知懽喜尊奉。其於人言。必依於孝弟忠信樂道人之善。而未嘗及其惡。故賢者悅其德。不賢者服其化。所以厚風俗成人材者。先生之功多矣。昔七十子學於仲尼。其傳可見者。惟曾子所以告子思。所以授孟子者耳。其餘門人各以其材之所宜為學。雖同尊聖人所因而入者。門戶則衆矣。况後此千餘歲。師道不立。學者莫知其從來。獨先生之學為有傳也。先生得之於李挺之。挺之得之於



穆伯長推其源流。遠有端緒。今穆李之言。及其行事。蓋可見矣。而先生純一不雜。汪洋浩大。乃其所自得者多矣。狀而名其學者。豈所謂門戶之衆。各有所因而入者。與語成德者。昔難其居。先生之道。若就所至而論之。可謂安且成矣。先生有書六十卷。命曰皇極經世。古律詩二千篇。題曰擊壤集。先生之塋。祔於先塋。寔其終之季。孟冬丁酉也。銘曰。

嗚呼先生。志高力郡。闊步長趨。凌高厲空。援幽索隱。曲暢旁通。在古或難。先生從容。有問有觀。以既以豐。天不憖遺。哲人之凶。嗚皇在南。伊派在東。有寧一宮。先生所終。



鍾惺曰。康節是宋第一派人。蓋君子而有道術者也。朕世傳其奇  
異者。近於術士。而此絕不及之。只叙其高隱好學。學之有傳而  
已。而康節之真人品。始見其人其文。可謂不相負矣。



卷之四

五

五



程顥祭富鄭公文

維元豐六年歲次癸亥十一月壬寅朔十九日庚申奉議郎監汝州  
鹽酒稅輕車都尉賜緋魚袋程某謹遣外甥張敷以清酌庶羞之奠  
敢昭告於太尉文忠公之靈嗚呼粵稽古咎得全寔難非夔契出乎  
唐虞之際而姬呂位乎文武之間其餘雖有鉅賢碩輔濟一時之除  
艱真儒大聖多處非其位而孤蹇孰如我公道行乎重熙素洽之運  
而身享乎尊富安榮之完事辭天下之重位極人臣之班生逢四世  
皆上聖之主時歷七紀膺太平之安勲業揭乎日月聞望塞乎天淵  
優游里第者猶十有三季於人之職可謂無負在天之理可為曲全

茅坤曰四  
語非富公



不能當

宋文獻

卷之

集賢堂

狀而捐館之日。遠近聞之。孰不齋咨而涕漣。尚以公之沒也。為有憾焉。嗚呼。世之常態。苟於自便。終始之節。艱於永肩。屏伏者以憂。費不反而怠。懈休老者以血氣。既衰而志遷。惟公年彌高而志愈厲。身愈退而誠益堅。惟是愛國憂君之道。極晝夜之拳拳。迄乎瞑目之旦。屬曠之前。萬物已莫累乎心胸。而朝廷之念。獨有進乎笱日之當權。宜乎易名之謚典。號為撫寔。祭冊之聖詔。極於哀憐。則士大夫以公之沒為憾者。蓋非偶狀其愚不肖。辱公禮遇。顧其於義理。非見私於附公。憂於洛。賤居在汝。官守有制。款往無路。歛不望棺。奠不臨墓。引領西風。悲慟何數。誠寓鄙父。祭陳菲具。恭崇道周。後期無所。嗚呼哀哉。



伏惟尚饗。

鍾惺曰：推重極矣。想見賢者好德之篤。







陳仁錫曰  
司馬光稱  
先生有經  
尺緯地之  
才現此信  
不誣也

程頤上仁宗皇帝書

州莽賤臣程頤謹昧死再拜上書皇帝闕下。臣伏觀前古聖明之主。無不好聞直諫。博采芻蕘。故視益明而聽益聰。紀綱正而天下治。昏亂之主。無不惡聞過失。忽棄正言。故視益蔽而聽益塞。紀綱廢而天下亂。治亂之因。未有不繇是也。伏惟陛下。德侔天地。明竝日月。寬慈仁聖。自古無以。曷嘗害一忠臣。殺一正士。群臣雖有以言事得罪者。旋復拔擢。過其介際。此千載一遇言事之秋也。桀紂暴亂。殘賊忠良。狀而義士不顧死。以盡其節。明聖在上。其仁如天。布衣之士。雖非常言責也。苟有可以裨聖治。何忍默嘿而不言哉。臣今竭其愚忠。非有



茅坤曰自  
負所學不  
密

斧鉞之虞也。所慮進言者至衆。豈盡有取。狂惡必多。而陛下因謂賤  
士之言無適用者。臣雖披心腹。瀝肝胆。不見省覽。祗成後為此臣之  
所懼也。倘或陛下少留聖慮。則非臣之幸。寔天下之幸。臣請自陳所  
學狀。後以臣之學議天下之事。臣所學者。天下大中之道也。聖人性  
之為聖人。賢者繇之為賢者。堯舜用之為堯舜。仲尼述之為仲尼。其  
為之也至大。其行之也至易。三代以上莫不繇之。自秦而下。衆而不  
振。魏晉之屬。公之遠甚。漢唐小康。行之不醇。自古學之者衆矣。而考  
其得者蓋寡焉。道必充於已。而後施以及人。是故道非大成。不苟於  
用。狀亦有不私其身。應時而作者也。出處無常。惟義所在。所謂道非



譚元春曰  
萌以聖  
賢自持

大成不苟於用。願回曾參之後是也。天之  
大命在夫子矣。故彼得自  
善其身。非至聖人則不出也。在於平世  
無所用者。亦朕所謂不私其  
身。應時而作者。諸葛亮及臣是也。亮感  
先主三顧之義。閔生民塗炭  
之苦。思致天下於三代。義不得自安而  
作也。如臣者。生逢聖明之主。  
而天下有危亂之虞。義豈可苟善其身  
而不以一言悟陛下哉。故曰  
出處無常。惟義所在。臣請議天下之事。  
不識陛下以今天下為安乎。  
危乎。治乎。亂乎。烏可知危亂而不思救  
之之道。如曰安且治矣。則臣  
請明其未朕。方今之勢。誠何異於抱火  
厝之積薪之下。而寢其上。火  
未及朕。曰謂之安者乎。書曰。民惟邦  
本。本固邦寧。一惟固本之道。在



於安民安民之道在於足衣食。今天下民力匱竭衣食不足春畊而播延息以待一歲失望便須流亡。以此而言本未得為固也。臣料陛下仁慈愛民如子必不忍使之困苦。一至於此。是臣竊疑左右前後壅蔽陛下聰明使陛下不得而知。今國家財用常多不足不足則責於三司三司責諸路轉運轉運何所出。誅剝於民爾。或四方有事則多非時配率毒害尤深急令誅求竭民膏血逞注破產亡業骨肉離散衆人觀之猶可傷痛陛下為民父母豈不憫哉。民無儲備官廩復空。臣觀京師緣邊以至天下率無二年之備。卒有連歲凶災如明道中不知國家何以待之。坐食之卒計踰百萬既無以供費將重歛於民。



鍾惺曰危  
痛之言非  
真心愛國  
不敢道

而民已散矣。強敵乘隙於外。姦雄生心於內。則土崩瓦解之勢。汲可虞也。太寧之世。聖人猶不忘為備。必有九年之蓄。以待凶歲。況今百姓困苦。愁怨之氣。上衝於天。災沴凶莖。是所召也。陛下能保其必無乎。中民之家。有十金之產。子孫不能守。則人皆謂之不孝。陛下承祖宗基業。而前有土崩瓦解之勢。可不懼哉。戎狄強盛。自古無比。幸而目前尚守盟誓。果能以金帛款其欲乎。能必料其常為今日之計乎。則夫沿邊豈宜無備。益以兵則用不足。省其戍則力弗支。皆非長久之策也。前者吳賊叛逆。西垂用兵。數年之間。天下大困。益內外經制多失。其宜陝西之民。苦毒猶甚。及多逃散。重以軍法禁之。以至人心



天怨。皆有思寇之言。悖逆之深。不敢以聞。聖聽顧恐陛下亦頗知之。故曰無恒產而有恒心者。惟士為能。彼庶民者。飢寒既切於內。父子不相保。尚能顧忠義哉。非民無良政使然也。當時秦中寇盜屢起。儻稽撲滅。必多響應。幸而尋時盡能誅剪。尚賴社稷之福。西虜亦疲。彼知未可遠圖。遂且詭辭稱順。向若更相牽制。未得休兵。內釁將生。言之可駭。今天下勞弊。不以景祐以前復有加。曩時之後。臣愚切恐不能堪矣。况為患者。豈止西戎。臣每思之神魂飛越。不知朝廷議者。以為何如。亦嘗置之慮乎。其謂制之無術乎。臣竊謂今天下猶無事。人命未甚危。陛下宜早警惕於衷。思行王道。不使臣恐歲月易失。因循



孫鑛曰  
齋痛哭

不○思○事○勢○觀○之○理○無○常○爾○雖○我○太○公○之○有○天○下○救○五○代○之○亂○不○戮○一○  
人○自○古○無○之○非○漢○唐○可○以○固○知○趙○氏○之○祀○安○於○泰○山○狀○而○握○陛○下○之○  
聖○明○陷○斯○民○於○荼○毒○深○可○痛○也○臣○料○群○臣○必○未○嘗○有○為○陛○下○陳○王○道○  
者○以○陛○下○聖○明○豈○有○言○而○不○聽○者○乎○竊○惟○王○道○之○本○仁○也○臣○觀○陛○下○  
之○仁○堯○舜○之○仁○也○狀○而○天○下○未○治○者○誠○繇○有○仁○心○而○無○仁○政○爾○故○孟○  
子○曰○今○有○仁○心○仁○聞○而○民○不○被○其○澤○不○可○汰○於○後○世○者○不○行○先○王○之○  
道○也○陛○下○精○心○庶○政○常○懼○一○夫○不○獲○其○所○未○嘗○以○一○喜○怒○殺○一○無○辜○  
官○吏○有○犯○人○罪○者○則○終○身○棄○之○是○陛○下○愛○人○之○深○也○狀○而○凶○年○饑○  
歲○老○弱○轉○死○於○溝○壑○壯○者○散○而○之○四○方○為○盜○賊○犯○刑○戮○者○幾○千○萬○人○



孫鑄曰  
批員轉如

吳九

卷五

五

集賢堂

矣。豈陛下愛人之心哉。必謂歲使之狀。非政之罪歟。則何異於刺人而殺之。曰。非我也。兵也。三代之民。無是病也。豈三代之政。不可行於今耶。州縣之吏。有陷人於辟者。陛下必深惡之。狀而民不知。義復迫。困窮放辟邪侈。而入於罪者。非陛下陷之乎。必謂其自然。則教化聖人之妄言邪。天下之治。繇得賢也。天下不治。繇失賢也。世不乏賢。願求之之道。何如爾。今夫求賢本為治也。治天下之道。莫非五帝三王。周公孔子治天下之道也。求乎明於五帝三王。周公孔子治天下之道者。各以其所得。大小而用之。有宰相事業者。使為宰相。有卿大夫事業者。使為卿大夫。有為郡之術者。使為刺史。有治縣之政者。使為



縣令各得其任則無職不舉狀而天下弗治者未人有也國家取士雖以數科狀而賢良方正歲止一二人而已又所得不過博聞強記之士爾明經之屬惟專念誦不曉義理尤無用者也最貴盛者惟進士科以詞賦教律為工詞賦之中非有治天下之道也人學之以取科第積日累久至於卿相帝王之道教化之本豈嘗知之居其位責其事業則未嘗學之譬如胡人操舟越客為御求其善也不亦難乎注者丁度建言祖宗以來得人不少愚瞽之甚議者至今切齒使墨論墨固以墨為善矣今天下未治誠繇有君而無臣也豈世無人求之失其道爾苟欲取士必得豈無術哉王道之不行二千年矣後之



象坤曰賢者論道似不為然而精采流映為欠莫妙于此

愚者皆云時異事變不可復行此則無知之深也。狀而人主往往惑於其言。今有人得物於道。示玉工曰玉也。示衆人曰石也。則將以玉工為是乎。以衆人為狀乎。必以玉工為是矣。何則。識與不識也。聖人垂教思以治後世。而愚者謂不可行於今。則將守聖人之道乎。從衆人之言乎。謂衆人以王道可行。則猶詰瞽者以五色之鮮。詢聵者以八音之美。其曰不狀宜也。彼非憎五色而惡八音。聞見限也。臣觀陛下之心。非不憂慮天下也。以陛下憂慮天下之。以行王道。豈難乎哉。孟子曰。以齊王猶反手也。又曰。師文王。大國五年。小國七年。必為政於天下矣。以諸侯之位。一國之地。五年可以王天下。況陛下居天子



之尊令行四海如風之動。苟行王政。奚啻反手之易哉。昔者大禹治  
水八年於外。三過其門而不入。思以利天下。雖勞苦不避也。今陛下  
行王政。非有苦身罄勞。愚慮之難也。何憚而不為哉。孝經曰。立身行  
道。揚名於後世。以顯父母。孝之終也。匹夫猶當行道以顯父母。況陛  
下責為天子。豈不發憤求治。思齊堯舜。納民仁壽。上光祖考。垂休無  
窮。凡所謂孝。無大於此者也。臣以謂治今天下。猶理亂絲。非特其端  
條而舉之。不可得而治也。故臣前所陳。不及歷指政治之闕。但見有  
危亂之虞。救之當以王道也。狀而行王之道。非可一二而言。願得一  
面。天顏罄陳所學。如或有取。陛下其置之左右。使盡其誠。苟寔可用。



陛下其大用之。若行而不效。當服固上之誅。而不虛受陛下爵祿也。陛下問群臣。羣臣必謂寒賤之士。不可使近上側。自臣思之。以為不然。臣高祖羽太祖朝。年六十餘。為縣令。一言遭遇。聖祖特加拔擢。攀附太宗。終於兵部侍郎。顧遇之厚。群臣無以侔存。家牒不敢繁述。臣曾祖希振。既以父任。後祖適復被推恩。國家錄先世之勛。臣父珣。又蒙延賞。今為國子博士。非有橫草之功。食君祿四世一百年矣。臣料天下受國恩之厚。無如臣家者。臣自職事以來。思為國家盡力。未得其路。爾則臣進見。空無疑也。或者更為強詞。言其不可。此乃自負陰私。懼防詆訐者也。伏望陛下出於聖斷。勿徇衆言。以王道為心。以生



民爲念。黜世俗之論。期非常之功。昔漢武笑齊宣不行孟子之說。自致不王。而不用仲舒之策。隋文笑漢武不用仲舒之策。不至於道。而不聽王通之言。二主之昏料。陛下亦嘗笑之矣。臣雖不敢望三子之賢。狀臣之所學三子之道也。陛下勿使後之視今。猶今之視昔。則天下不勝幸甚。望陛下特留意焉。臣愚無任踰越狂狷恐懼之極。臣願昧死頓首謹言。

鍾惺曰。細看其所學之大。自任之真。孟子之後。寔不聞有此。











